

欽定八旗通志卷一百四十七

人物志二十七

大臣傳十三

滿洲正黃旗一 揚古利 楊額禮
納穆泰 額爾德尼 恩格德爾

希福

明安

敦拜

索尼

希爾根

揚古利

揚古利姓舒穆祿世居渾春後隸滿洲正黃旗父

郎柱爲庫爾喀部長傾心歸附

太祖高皇帝厚遇之

命其子揚古利入侍郎柱爲部人所害圍其家其妻負幼
子納穆泰於背射衆突出以其族來歸未幾庫爾
喀舉部內附揚古利察知部人之殺其父者手刃
之時年甫十四

上深異之曰見信臣臣尙主焉始令守汎江上警備嚴密
無敢犯者征輝發多壁城阻大水衆難之揚古利
率先逕渡大獲而還取訥殷部及朱舍里安褚拉
庫等路皆有功從征哈達擒其貝勒孟格布祿丁

末年遷蜚悠城戶口侍衛扈爾漢率兵三百禦烏喇兵萬人方據山各結營相持揚古利勸衆曰吾儕平居相謂與其死於疾無寧死於敵此非臨敵時乎持矛突入斬烏喇兵七人敵稍却諸貝勒兵踵至併力奮擊大破之征輝發城及赫席黑木倫等路衝鋒奪險常爲衆先戊申年從征烏喇金州城城中拒命冒矢石攻克之癸丑年再征烏喇攻清河敵勢甚銳

太祖遣使持矢召諸將退揚古利獨麾衆薄城疾攻拔之
從擊明兵於界藩破其軍進擊尙間崖之兵有

旨令被傷者勿行揚古利獨裹創率十佐領兵憑高馳擊
大破之天命六年大兵取瀋陽遼陽皆先登陷陣
旣定

上嘉揚古利績且憫其傷痍

命位次八貝勒下統左翼兵授一等子世襲兼

諭勿更臨戰陣十年明總兵毛文龍兵三百人夜入耀州

復率兵殲其衆天聰元年從征朝鮮有功三年九月同副都統阿山緝逃人至雅爾古遇文龍所遣採獲者斬九十六人擒千總三員從者十六人以歸是月

太宗統大兵征明揚古利率護軍兵敗明總兵滿桂軍於都城之北十二月師還畧通州火其船遂取張家灣明兵來援薊州我兩紅旗護軍兵少卻揚古利鼓勇直前明兵敗奔

命以兩紅旗規避各員贖罪物資予之揚古利卽以分諸

將士四年率兵畧錦州義州六年

太宗親征察哈爾

命同貝勒阿巴泰等留守七年六月

上議討明及朝鮮察哈爾三者用兵孰先

詢諸大臣揚古利奏宜深入明境朝鮮察哈爾自當歸順

且極言用兵之不可緩

上於是決意征明八月

命率兵往畧山海關八年五月晉超品一等公仍管六佐
領事世襲不替

賜敕免死罪三次八月從攻大同宣府拔靈邱縣斬其知
縣守備官崇德元年與武英郡王阿濟格等帥師
直入明境攻克關隘下昌平等十二城五十八戰
皆勝俘獲億萬計二年

太宗親征朝鮮其全羅忠清兩道兵來援營於南漢城會
天大雨雪晝晦揚古利從豫親王多鐸進擊之追

金史卷一百四十一
及山嶺有朝鮮敗卒竄伏崖側竊舉礮中揚古利
傷重而卒年六十有六揚古利厯事

兩朝恩寵極隆

太宗嘗命護軍爲之守門

賜豹尾槍二令親軍佩之甲卒二十人爲之衛其卒於軍
也

太宗解御衣衣之哭之慟親視含斂比葬復

臨奠醢爲置守塚是年十一月追封武勲王建碑墓道順

治中配享

太廟

聖祖復

御製碑文紀其功雍正九年加號曰武誠子二人長阿哈

旦以軍功授雲騎尉次塔瞻襲超品公擢置內大

臣崇德六年八月

太宗親禦洪承疇援兵于錦州敵遁

命塔瞻往高橋設伏追擊斬獲甚衆尋以

上移營松山時明總兵曹變蛟棄寨背遁我兵擊之其敗

軍突入

御營塔瞻不能督衆守營降爲一等公改

賜敕爲免死二次順治四年卒子愛星阿襲別有傳

楞額禮

楞額禮滿洲正黃旗人姓舒穆祿揚古利次弟也

自少從

太祖高皇帝征伐敘功授騎都尉世職累晉一等男任正

白旗副都統天命九年明將毛文龍縱兵渡朝鮮
義州城西鴨綠江入島中屯田楞額禮奉

命率左翼兵同右翼副都統吳善襲之途中獲謀者知明
兵晝則渡江入島收穫夜仍回宿江岸楞額禮遂
乘夜引兵由山間潛行平旦度明兵已渡江卽突
馳至其島明將士大驚奔潰追斬五百餘級餘衆
爭舟盡墮水死焚其島中積聚而還

太宗文皇帝卽位楞額禮列十六大臣尋任正黃旗都統

爲入大臣偕叅領阿山率兵六百人往畧喀爾喀
巴林地擒其貝勒十四人俘獲甚衆

上嘉其功率貝勒大臣迎勞之晉爵三等子天聰元年隨
大貝勒阿敏等征朝鮮率兵八十人乘夜襲明斤
砦六所盡獲其哨卒旣至朝鮮攻克義州城晉一
等子三年二月明人由海島移駐朝鮮鐵山楞嶺
禮率精兵剿之斬馘無算九月隨其兄揚古利率
兵往雅爾古追捕逃人遇毛文龍部下採獲軍士

擒殺數十人以歸五年三月

上以書論八大臣疏陳政事得失楞額禮奏言臣以微賤之身擢居大僚

皇上所行果有關失豈敢緘默不言若無過舉臣又何所指陳自今以後願罄所知以抒忠悃知而不言惟天鑒之至於治民使無偏枉怨由何生臣惟有省躬自誓秉公聽斷以仰答

聖意而已五月同都統喀克篤禮分統左右翼兵往征南

海島有功八月從大軍征明園大凌河城率本旗將士軍城北面之西

王招明總兵祖大壽降大壽遲疑未決先遣其部將韓棟來謁出榜額禮所守門榜額禮令軍士戎服執戟林立營門內外森嚴堅整棟既謁

上遣使送之歸將入城榜額禮呵之止門外問姓名審形貌然後令入棟目擊軍威及城守嚴整狀還白大壽大壽降志始決七年應

詔陳軍事言宜先率外藩蒙古及本國兵直抵明內地資
其糧草牲畜再整師奪山海關既入關卽屯駐關
中多積芻糧以備往來攻伐之用此時若不速圖
遷延歲月則彼先有備進取轉難至於朝鮮姑與
和好若內地旣得朝鮮自爲我有也六月隨貝勒
岳託等率右翼兵取明旅順口凱旋

上迎勞如初八年正月卒

上親臨其喪哭之慟明年

巡幸盛京北山道經其墓

躬下馬奠而哭之順治十二年追諡武襄子穆成格襲爵

歷官刑部左叅政見大臣表

納穆泰

子阿拉密

納穆泰滿洲正黃旗人姓舒穆祿楊古利第三弟
也自少從

太祖高皇帝征伐累著勲績

太宗文皇帝卽位擢爲八大臣授本旗都統天聰元年隨

貝勒阿敏等征朝鮮以功得優賞三年

太宗親統大兵伐明令納穆泰率兵攻遵化城北面之西
克之四年春同都統圖爾格守灤州明監軍道張
春等來攻城納穆泰與圖爾格分兵守禦矢石齊
發出精銳繞城轉戰擊敗敵兵驅之壕外敵復突
至攻納穆泰所守門焚城樓有執纛立雲梯登城
者我兵阿玉什斬之奪其纛敵兵稍卻會貝勒阿
敏等怯不赴援敵兵發礮攻城我兵力不能勝遂